



Broj: 07-14-812/19  
Vogošća, 02.07.2019. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 02.07.2019. godine donio je

### ODLUKU

## O IZBORU NAJPOVOLJNIJEG PONUĐAČA ZA IZVOĐENJE RADOVA NA NABAVCI, POSTAVLJANJU I ODRŽAVANJU SAOBRAĆAJNE SIGNALIZACIJE I OPREME NA PODRUČJU OPĆINE VOGOŠĆA

### Član 1.

Ponuda ponuđača "Sacom" d.o.o. Sarajevo, ulica Luka bb Ilijaš, odabrana je za izvođenje radova na nabavci, postavljanju i održavanju saobraćajne signalizacije i opreme na području općine Vogošća, kao jedina formalno-pravno prihvatljiva ponuda, sa ukupnom cijenom nabavke u iznosu od 419.621,25 KM bez uračunatog PDV-a, odnosno 490.956,86 KM sa uračunatim PDV-om.

### Član 2.

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

### OBRAZLOŽENJE

Općinski načelnik je dana 29.04.2019. godine donio Odluku o pokretanju Otvorenog postupka nabavke radova na nabavci, postavljanju i održavanju saobraćajne signalizacije i opreme na području općine Vogošća, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 07.05.2019. godine pod brojem: 1353-1-3-99-3-67/19.

Sažetak Obavještenja o nabavci objavljen je u "Službenom glasniku BiH" broj: 33/19 od 10.05.2019.

Ispravka Obavještenja o nabavci broj: 1353-1-3-99-8-94/19 objavljena je na Portalu javnih nabavki BiH dana 14.06.2019. godine, a sažetak Ispravke Obavještenja o nabavci objavljen je u "Službenom glasniku BiH" broj: 42/19 od 21.06.2019. godine.

Tendersku dokumentaciju sa Portala javnih nabavki BiH je preuzelo 14 (četrnaest) ponuđača. Krajnji rok za dostavu ponuda bio je 24.06.2019. godine do 14:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 24.06.2019. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07-14-812/19 iz maja 2019. godine kao i Izmjeni Tenderske dokumentacije broj: 07-14-812/19 iz juna 2019. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 2 (dvije) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Buljan ceste" d.o.o. Kreševo	418.435,50	14%	359.854,53	421.029,80
2	"Sacom" d.o.o. Sarajevo	419.621,25	/	/	490.956,86

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača "Buljan ceste" d.o.o. Kreševo ne ispunjava formalno-pravne uslove tražene Tenderskom dokumentacijom iz razloga što je ponuđač propustio da dostavi sljedeće dokumente-dokaze zahtjevane TD:

- Izjavu o ispunjenosti uslova iz člana 45. Zakona-Aneks 3 TD-zahtjevana tačkom 7.1.2. TD;
- Izvod iz sudskog registra (original ili ovjerena kopija)-zahtjevan tačkom 7.2.1. TD;
- Popunjen Obrazac pismene izjave iz člana 52. Zakona-Aneks 4 TD;
- Popunjen Obrazac pismene izjave iz člana 51. Zakona-Aneks 5 TD;
- Spisak izvršenih ugovora u ukupnom iznosu od 140.000,00 KM bez PDV-a u posljednjih 5 (pet) godina računajući od dana podnošenja ponude-referenc listu, koju sačinjava ponuđač na svom memorandumu kao i Potvrde o izvršenim ugovorima od strane krajnjeg korisnika-iznos 140.000,00 KM bez PDV-a u posljednjih 5 (pet) godina računajući od dana podnošenja ponude, zahtjevan tačkom 7.4.2. pod a) TD;
- Dokaze zahtjevane tačkom 7.4.2. pod b) TD (Diplome, Uvjerenja o položenom stručnom ispitu, Dokaze o radnom iskustvu i radnom angažmanu);
- Dokaze zahtjevane tačkom 7.4.2. pod c) TD (Izjavu na obrascu ponuđača da ima u posjedu odgovarajuće građevinske mašine-mehanizaciju i opremu potrebnu za izvođenje predmetnih radova sa priloženim ovjerenim popisom sredstava rada i opreme na obrascu ponuđača, ili inventurnom listom ili ugovor o najmu shodno tački 7.4.1 c), za teretna vozila-kamione kipere iz tačke 7.4.1. pod c) stavka 1. potrebno je bilo kao dokaze dostaviti važeće saobraćajne dozvole/potvrde o registraciji, za bager-rovokopač iz tačke 7.4.1. pod c) stavka 2. potrebno je bilo kao dokaz dostaviti važeću saobraćajnu dozvolu/potvrdu o registraciji ili važeću upotrebnu dozvolu, za specijalno vozilo (stroj) za postavljanje zaštitne odbojne ograde (čekić, minimalno 600 J) iz tačke 7.4.1. pod c) stavka 3. potrebno je bilo kao dokaz dostaviti važeću saobraćajnu dozvolu/potvrdu o registraciji ili važeću upotrebnu dozvolu, kao i dokumente iz kojih su jasno vidljive karakteristike mašina-a što može biti Ugovor o kupoprodaji ili Potvrda od proizvođača opreme, za mašinu za izradu horizontalne signalizacije (brzine rada minimalno 1,5 km/h) iz tačke 7.4.1. pod c) stavka 4. potrebno je bilo kao dokaz dostaviti važeću saobraćajnu dozvolu/potvrdu o registraciji ili važeću upotrebnu dozvolu, kao i dokumente iz kojih su jasno vidljive karakteristike mašina-a što može biti Ugovor o kupoprodaji ili Potvrda od proizvođača opreme);
- Nacrt Okvirnog sporazuma, popunjen, potpisan i ovjeren pečatom ponuđača-Aneks 7 zahtjevan tačkom 9.9.1. TD;
- Garanciju za ozbiljnost ponude zahtjevanu tačkom 9.8.1. TD;
- Izjavu o dostavi garancije za uredno izvršenje Ugovora-Aneks 8 TD i
- Sadržaj ponude-ponunjen, potpisan i ovjeren pečatom ponuđača-Aneks 9 TD.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Detaljnim postupkom pregleda i ocjene ponude, Komisija za javne nabavke je utvrdila da ponuda ponuđača "Sacom" d.o.o Sarajevo ispunjava formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela ponude ponuđača "Sacom" d.o.o Sarajevo, te je izvršena računska provjera dostavljene ponude i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Sacom" d.o.o Sarajevo, za izvođenje radova na nabavci, postavljanju i održavanju saobraćajne signalizacije i opreme na području općine Vogošća, kao jedine formalno-pravno prihvatljive ponude, sa ukupnom cijenom nabavke u iznosu od 419.621,25 KM bez uračunatog PDV-a, odnosno 490.956,86 KM sa uračunatim PDV-om.

**Pouka o pravnom lijeku:** Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Dostavljeno:

1. "Buljan ceste" d.o.o. Kreševo
2. "Sacom" d.o.o Sarajevo
3. Nadležnoj Službi
4. U dosije
5. a/a

030/800-042

033/255-876

